

Ny Valosoa sy hadihady

Toa fanjakana manao lohamboto no misy eto

Raha ny fihetsiky ny mpomba an'i Andry Nirina Rajoelina sy izy tenany mihitsy dia fanjakana jiolahimboto na manao lohamboto no misy eto Madagasikara. Tsy vitan'ny mpanitsakitsaka ny Lalàmpanorenana sy ireo Lalàna fototra ary ireo Lalàna manankery fa tena mpanongam-panjakana ihany koa. Lalovana fohy ny tamin'ny 2009 momba ny fandrohana sy fandorana fananan'olona sy fananam-bahoaka ny alatsinainy mainty, tafiditra tao anatin'izany ny Magro rehetra teto an-drenivohitra sy ny magazay teny Ankorondrano ary ny radiom-pirenena, nitso-drano ireny Andry Nirina Rajoelina. Mboa manaporofy ny maha jiolahimboto ihany koa ny fitsofan-drano ny praiminisitra notendrena teny an-dàlambe nanaika ny Lapam-panjakana Ambohitsorohitra ka nanaovana sorona olona marobe. Mbola manaporofy izany toe-tsaina tsy mendrika olona noheverina fa ray amandreny eto amin'ny Firenena izany ny fihantsiana nataon'i Andry Nirina Rajoelina tany Toliara ka nilaza fa tompondaka foana izy teo amin'ny haiady ary izay rehetra mpikatroka tokony nifanandrina rehefa naheno ny anarany fotsiny dia « mi-pipi am-pataloha ». Nandritra izao fitondrana Repoblika IV-2 izao dia tsy tambo isaina intsony ny fandikan-dalàna nantaon'ireo andrim-panjakana misy toy ny Fitsarana izay tsapa fa tsy Fehefana mahaleotena ka tsy azo ekena ny fanndraisana baiko na avy amin'iza na amin'iza. Tsy lazaina intsony ny fanindrian'ny fahefana mpanatant-raka ny Fahefana mpano lalàna niverimberina ka hatramin'ny fitsipaham-pitokisana nosoniavin'ny solombavam-bahoaka 105 avy no namin'ingavan'ny Andry Nirina Rajoelina ny filohan'ity Andrim-panjakana ity ka dia napirimina any anaty vata sarihana izany. Afa baraka tanteraka ity Andrim-panjakana ity tamin'ny fotoana iny ary mbola nitohy izany rehefa tsy nanolotra Lalàna mifehy ny Tetibola nasiam-panitsiana (LFR) tamin'ny fivoriana farany satria dia mivoaka tsy mifanaraka amin'ny lalàna ny fandaniana ataon'ny governemanta. Amin'izao fanomanana ny fidianana Filoham-pirenena izao dia manitsaka ny Lalàmpanorenana hatramin'ny Andrim-panjakana miaro izany dia ny Fitsarana Avo momba ny Lalàmpanorenana (HCC) satria nanaiky nandray ny atontan-taratasim-pilatsahan'i Andry Nirina Rajoelina na dia tsy mizaka ny zom-pirenena malagasy intsony aza izy.

Ny vava navoakany ihany koa dia nampiseho fa jiolahimboto izy satria tsy misy afaka manala ny maha malagasy azy, hono, ary efa miroso manao propagandy. Na teo aza ny fitoriana nataon'ny vondron'ny Kandida 11 tao amin'ny Fitsarana Avo momba ny Lalàmpanorenana dia nolavin'ity andrim-panjakana izany. Mbola afa-baraka ihany koa ny Fitsarana Avo momba ny Lalàmpanorenana satria ny lalàna ihany no tsy maintsy hamoahana didy ka tsy azo hadika amin'izay itiavana azy. Nanongam-panjakana an-kolaka ny governemanta ary neken'ny Fitsarana Avo momba ny Lalàmpanorenana ihany koa izany izay midika ho famadihaa Tanindrazana sy tsy fananan'ity Andrimpanjakana ity ny maha izy azy fa mbola baikon'ny filohan'ny Repoblika efa nametra-pialana. Nampiseho ny maha mpanjanaka azy i Andry Nirina Rajoelina raha niteniteny foana niantzy ny kandida 11 ka nanao tononkalo nilaza fa « Bruce Lee , hono, izy ka aza manatona azy fa sao mipitika ery ». Tsapa tamin'ity tranga ity sy tamin'ny fanaovany kajy fa toy ireny ankizy kely any amin'ny ambaratonga fototra ity kandida ity ka tsy misy fahamatorana eo aminy. Taty Madagasikara indray ny mason'izao tontolo izao satria vazaha no misisika hitantana an'i Madagasikara indray mandritra ny dimy taona. Voaporofy androany koa fa jiolahimboto hatramin'ny loholona raha name-traka ny jeneraly bomba ho eo amin'ny toeran'ny filohan'ny Antenimieran-doholona izay tsy ara-dalàna ny nametrahana samboady taminy no tsy nisy famindram-pahefana ihany koa teo aminy sy ny Filohan'ity Andrim-panjakana ity izay tsy ara-dalàna koa ny nanonganana azy teo amin'izany toerana izany. Hita teny amin'ny hetsika nataon'ny Vondron'ny kandida 11 ihany koa fa nisy depiote, voafidy tao amin'ny bori-bory faha-5, nanala baraka tena ka nitondra andian'olona namporisihany nanakorontana sy nandroba ireo mpanohana ny kandida 11teny Ampasampito. Rehefa tomanana ny lalàna nodiavin'ny fitondran Andry Nirina Rajoelina nandritra ny dimy taona dia tsy tambo isaina intsony ny fahafaham-baraka ka miverina indray ilay mpamari-toetra nomen'ny vondrona iraisam-pirenena azy hoe « sans qualité », noho izany tsy azo ekena ny mbola hiverenany eo amin'ny fitondrana.

Andry Tsiavalona

ANTENIMIERANDOHOLONA

Amboetra no nametrahana ny jeneraly Ravalomanana ho filohany

Amboetra no nametrahana ny jeneraly misotronono Richard Ravalomanana ho filohan'ny Antenimierandoholona, vita omaly ny fidianana ho amin'izany, ka senatera miisa 15 amin'ny 18 no nifidy azy. Tsy ara-dalàna ny fivoriana tsy ara-potoana nanaovana izany fidianana izany, satria toko ny ho 12 andro no anatanterahana fivoriana tsy ara-potoana izany, ary tokony mivory ihany koa ny Antenimierampirenena vao mivory ny etsy Anosikely. Rariny raha any amin'ny kizo ny firenena ankehitriny, satria fitondrana jiolahimboto araka ny tenin'ny kandida Hajo Andrianainarivelo no mitondra eto, na efa lasa nametra-pialàna aza ilay filoha niantana ny firenena nandritra ny 5 taona dia mbola izy ihany no mi-baiko ireo rehetra teo am-



Ny filohan'ny Antenimierandoholona vaovao, natao amboetra ny fametrahana azy.

bany fahefany hanatant-raka izay tiany atao. Raha ny zavatra niseho tao anatin'ny andro vitsy dia izay miteny sy manambara ny marina dia avy hatrany atao bontolo ny fanesorana azy eo amin'

ny toerana misy azy . Nanaovana fiantsoana ireo loholona hivory tsy ara-potoana na tsy voafaritry ny lalàna aza izany . Tonga dia voaraoka ary nesorina manta ilay filohan'ny Antenimierando-

holona Herimanana Razafimahefa . Nesorina teo amin'ny toerany , ka nosoloina ilay jeneraly nalaza tamin'ny fanapohana baomba Richard Ravalomanana hisolo ny toerany . Asa inona no tiana ahatongavana ? hanaiky mora ny governemanta hiara-hitantana ihany ve sa ity jeneraly malaza ity no asaina mitondra ny firenena indray raha hiverina amin'ny fanapahan-keviny ny HCC, ka hoe ny filohan'ny senat no hitondra ny baolina . Maro ankehitriny ireo fikambanana, fiarahamonipirenena , solombavambahoaka no tonga teny amin'ny HCC nametraka fitoriana mikasika ny tsy fanarahan-dalàna asehon'ny mpitondra ; ka dia ho hita eo fa mi-hazakazaka ny toe-draharaha ankehitriny .

Helisoa

facebook NY VALOSOJA Gasety miasa ho itelô jam-borinondro (Telata - Alohamby - Sabotsy) VAOVAO

Tsy ekena intsony ny fiverenan-dRajoelina hampahantra 5 taona indray

Vonifanja Manitraritsimba Rakotondrahiratra : MATOTRA BE ny hafatro: ialako tsiny @zay mety ho voatohina fa efa samy lehibe isika, mino aho fa mahay manavaka ny tsara sy ratsy, ny marina sy diso, ny handetika sy ny hampivoatra.

Koa manomboka eto kosa aloha, Samia ho tompo-nandraikitra, tompon'antoky ny fari-piainany avy, noho ny SAFIDINY.

Eto ambany ny Récap -n'ny lanjam-piainana 2019-2023.

Na mirongatra ny insecurity, kidnapping, Na manjaka aza ny abus de pouvoir, Na mitombo ny chômage, Na vaky balle ny corruption, Na mivangongo aza ny fako, Na mitombo ny déléstage, Na mandoa vola sy ratsy kalitao aza ny @ hospitalim-panjakana,

Dia hiareto ao. Aoka izay ilay wawawa; samia miatrika ny vokatra safidiny.

Rova Kely : tsy takatry ny sasany zany.

Murielle Rasoanandrasana: tsy ekena intsony ny famerenana an-dRajoelina sy ny mbola hampahantrany antsika mandritra ny 5 taona ho avy indray, tsy lasa intsony zany!

Nathan Rabe : mbola hiakatra hatrany io rehefa diso safidy eo, ireo fahantrana, tsy fisian'asa,... ireo.

Fanou Nirina : efa tena tonga saina tompoko ny olona,tsy clé tsony zany Rajoelina hiverina izany.

Allan Andriatianarivo : ton-



gava mifidy e!

Josi Michellah : efa elabe no tonga saina ary tena efa vonona ny hiala @ zao fahantrana zao.

Francis Nj Randrianarisoa : vahoaka bado, hoy ny foza nihorakoraka teny Atomika omaly hoe: tsy nisy filoha nanaome azy tsosika fameno, vary iray kitapo, riz cantonnais ho azy ireo hono hatramin'ny 1960.

Itaos'groupes Itaos'groupes : ary tam 2008.

Mamisoa Harifetra : zakan'ny gasy foana io na 5000 Ar aza ny kapoaka vary. Milamina foana ramalagasy.

Lalah Andria : matoa hono mbola io ny sandan'ny ariary mitaha amin'ny euro dia mbola fahaiza-mitantana izany e! Kivy aho. Dia zao lasa basin'ariary fito daholo avy eo.

Haja Rakotovazaha: tsy ekena intsony zany mbola hitondran-dRajoelina izany, sady vazaha, no mpandainga, no mpampahantra firenena, no mpampijaly vahoaka: tsy fisian'ny jiro sy rano,...

TONONKALO

Iza marina no marary saina ?

Dia iza àry izany no marary saina ? Ilay matin'ny tsindry ka dia nitaraina, Sa ity ilay nifidy ho vazaha taratasy Kanefa mikiry ho filohan'ny gasy ?

Dia iza àry izany no marary saina ? Ilay hoe norahonana hatao tapitra aina, Sa 'lay matin-tseza , namorona paika, Fa tena maniry ho filoha vonjimaika ?

Dia iza àry izany no marary saina ? Ilay efa mba vonona sy nantenaina, Sa 'ty ilay malaza ho nanira-tena Tahaka ilay biby izay nandeha niantseana ?

Dia iza ary izany no marary saina ? Ireo adalam-bola izay nokaramaina, Nanaiky ny « ketrika mirefarefa », Sa 'ty ilay noheverina ho tena Mahefa ?